

佛說守護大千國土經

宋西天北印度烏埤曩國三藏傳法大師施護奉
詔譯



清刻龍藏佛說法變相圖

佛說守護大千國土經卷上

力一

宋西天北印度烏填曩國三藏傳法大師施護奉 詔譯

如是我聞一時世尊住王舍城鷲峯山南面
佛境界大樹林中與大苾芻衆千二百五十
人俱其名曰尊者舍利弗尊者摩訶目乾連
尊者摩訶迦葉尊者伽耶迦葉尊者那提迦
葉尊者摩訶那提迦葉尊者阿若憍陳如尊
者優樓頻螺迦葉尊者摩訶迦旃延尊者跋
俱羅尊者婆藪槃豆尊者俱絺羅尊者縛隄
舍尊者阿濕縛爾多尊者須菩提尊者蘇婆
呼尊者阿寧嚕馱尊者難提枳曩尊者離跋
多尊者准提曩如是等千二百五十苾芻
衆俱是時摩竭提國韋提希子阿闍世王供
養恭敬尊重讚歎以衣服卧具飲食湯藥珍
玩寶物而供養佛及比丘僧是時大地欬然

震動大雲普覆起大惡風雷聲震吼掣電霹
靂降大雨雹周徧而霑十方黑暗星宿隱蔽
日月不現不能照曜日無暖氣亦無光明人
民惶怖是時世尊以淨天眼見毗耶離大城
王及臣民有如是等災難競起復次毗耶離
別有離車子等或有內宮嬪妃姝女爲彼鬼
神之所惱害諸王王子及諸老幼奴婢僕從
并諸眷屬皆爲鬼神惱害惑亂彼毗耶離大
城一切人民若苾芻苾芻尼優婆塞優婆夷
皆悉怕怖悶絕悼惶身毛皆豎仰面號哭而
作是言

曩謨沒駄野曩謨達摩野曩謨僧伽野一心
歸依乞求加護或有婆羅門及諸長者不信
三寶歸向梵天王者或歸向天帝釋者歸向
護世四王者歸向摩醯首羅者或寶賢藥叉

大將滿賢藥叉大將訶利帝母日月星辰山
林藥草江河陂池園苑塔廟隨所樂著悉皆
歸敬作如是言我此災禍怖畏患難誰爲救
濟云何令我速得免離爾時世尊愍諸衆生
別現瑞相起變化行以是行故令此三千大
千世界天人阿脩羅聞其音聲生恭敬心皆
來集會是時索訶世界主梵天王與梵天天
子衆俱天帝釋與忉利天衆俱四大天王與
四天王天衆俱二十八太藥叉將與三十二
大力藥叉俱訶利帝母并其子及眷屬俱於
夜分時來詣佛所訶利帝母以自威光輝赫
晃耀照鷲峯山皆爲一色到世尊所頂禮佛
足却住一面異口同音讚歎如來說伽他曰
端嚴金色相 猶如淨滿月 富如毗沙門
吉祥之寶藏 遊行如師子 威德若大龍

巍巍真金聚 閻浮檀之色 暗夜清淨月
安住衆星中 於諸聲聞衆 顯煥莊嚴相
歸命薄伽梵 諸天人中尊 利益於人天
住世垂救護 守護大千經 過去佛已說
盡此輪圍山 而結金剛界 稽首人中尊
歸命無所畏 合掌恭敬禮 牟尼大法王
是時世尊於一念頃默然而住告四天大王
言大王汝等現是色相形類差別云何惱亂
我諸弟子大王若復有人聞佛法僧出現於
世心生歡喜如是人等於佛法中植菩提種
生值佛世遇辟支佛及阿羅漢諸聲聞衆於
佛法中植衆德本十善具足命終之後當得
往生三十二天一天上爲天王身受天快
樂復生人中作轉輪王統領四兵王四天下
乃至大海皆爲一境得七寶具足得千子圍

遶其王千子智慧明達勇猛精進無諸怖畏
妙色端正有大神力迅疾如風威德自在能
伏怨敵以是因緣獲得如是福德果報貪著
愛欲娛樂自恣汝等今者於如來前起憍慢
心現如是相作如是事於我弟子心生輕毀
恐怖惱害是時北方藥叉主毗沙門天王即
從座起偏袒右肩右膝著地合掌恭敬而白
佛言世尊我今住處有一大城及以聚落園
林華果宮殿樓閣周帀欄楯金銀堦道種種
寶物而嚴飾之安以表刹四面懸鈴妙真珠
網羅覆其上燒衆名香晝夜氛馥散諸雜華
徧布其地清淨皎潔甚可愛樂百千天女周
帀圍遶我處於彼受五欲樂無有厭足如迷
醉人不能惺悟犯所行行違本所願以是義
故諸藥叉衆周徧世界十方馳走飲血啖肉

若男若女童男童女於如是人作諸執魅及諸惡食食血者食肉者食胎者食生者食命者或作畜生及諸異類或作師子常食有情彼恒殺生食啖其命大德世尊我今於佛及四眾前說彼藥又所現色相種種形貌一一不同此藥又眾皆有執魅是故我常手持寶塔內安聖像彼執魅者藥又眾中我名大王是諸藥又燒種種香燃種種燈散諸雜華供養塔像及供養我世尊若藥又眾作執魅者令其眾生現如是相若常笑喜若常驚怖若常啼泣若多語言無有其度若常狂亂若不睡眠若身常疼痛若仰視虛空若樂觀星宿若常馳走若晝即不樂夜即歡喜若常健羨此諸藥又有如是等執魅之事於諸世間無能制者我有神呪悉能調伏惟願世尊聽我

說之即說呪曰

唵引阿哩引阿囉拏引咎七威引惹引胝引嚩

引阿引法引顛引麼引法引顛引法引法引顛引法引囉引底引銘引切引擬

疑切賀引哩并誡引底引銘引切引擬

囉你引悉引鈿引觀引滿引怛引囉引跛引那引娑引囉引賀引

娑囉合二引薩引底引也合二引薩引觀引合引吠引無引室引囉引摩

拏引寫引麼引賀引囉引惹引寫引曩引麼引麼引未引嚩引嚩引嚩引

濕引囉引合引哩引也引二引合引地引跛引底引曳引合引曩引娑引囉引賀引

賀引

是時東方彥達囉主持國天王從座而起偏袒右肩右膝著地合掌向佛恭敬作禮而白

佛言世尊我彥達囉眾執魅之者其人現如是等種種色相若常歌舞若愛莊嚴若無貪

愛若語言誠信若乍瞋乍喜若復焦渴若眼

赤如朱若復瘡病若如中毒若閉目不開常

力一

在睡眠若常背視面不向人如是人等爲彥

達嚩之所執魅於諸世間無能制者我有神

呪悉令調伏惟願世尊聽我說之即說呪曰

唵引阿契引麼契引尾曩契引滿弟引嚩闍

補引左跛嚩引嚩契引嚩佉你引阿契引聲

嚩引嚩賀嚩引婆彥那黎嚩勢引嚩無鉢切哩

底合二娑嚩引二賀引母煎觀彥達哩嚩合二仡

囉四引毗喻引二地哩合二多囉引瑟吒囉合二

寫麼賀引囉引惹寫曩引麼引嚩黎乃引濕

嚩合二哩也引二地跛底曳引二曩娑嚩引二合

賀

是時南方矩畔拏主增長天王從座而起偏

袒右肩右膝著地合掌向佛恭敬作禮而白

佛言世尊若我矩畔拏衆執魅之者現如是

等種種色相若多語若焦渴若心迷亂目睛

瞢瞪若面赤色若常卧於地若身常拘急若

容貌醜惡若身體羸瘦若長爪甲若長頭髮

若身體腥臭若身坐垢穢若常妄語若語言

狂亂如是人等爲矩畔拏之所執魅於諸世

間無能制者我有神呪悉令調伏惟願世尊

聽我說之即說呪曰

唵引佉佉銘引佉攞銘引佉攞引銘佉囉

黎佉囉契迦囉黎引迦尸你引迦嚩銘引迦

囉智引迦引黎迦引彌你尾馱黎引閉聲上至

曳引細引野舍嚩底三母引三彌你舍緬觀

銘引滿怛囉合二跛那引娑嚩引二賀引薩嚩

薩怛嚩引二南引仡囉合二虎婆喻引波捺囉

合二嚩引尾嚩茶迦寫麼賀引囉惹寫曩麼引

嚩黎引乃引濕嚩合二哩也引二地鉢底曳合二

娑嚩引二賀

是時西方龍主廣目天王從座而起偏袒右
肩右膝著地合掌向佛恭敬作禮而白佛言
世尊我諸龍等執魅之者現如是等種種色
相若常餒噉若喘息長噓若身常冰冷若口
吐涎沫若多睡眠若身體如蛇光滑堅硬若
心勇猛不懼生死若能馳走無困乏時若爪
甲長利若手炮其地令如窟穴如是人等爲
諸龍等之所執魅於諸世間無能制者我有
神呪悉令調伏唯願世尊聽我說之即說呪
曰

唵引訖囉合二野細引訖囉合二迦曬引訖囉合二
迦曬引加沙曳骨嚕合二計計骨嚕合二佉銘骨
嚕合二嚕引阿佉黎引娑麼娑佉黎引迦護銘
引阿魯計引迦魯計引伊哩引尸尾哩引伊
哩彌哩引地引哩引虞嚕嚕底娑嚕合二悉底

也合三宰觀合二尾嚕引膊引乞叉合二寫麼賀引
囉惹寫曩引麼引嚕囉乃引濕嚕合二哩也合二
引地鉢底曳引曩娑嚕合二賀引
爾時世尊於一切諸天龍神藥叉衆中大師
子吼而作是言我爲一切世間調御丈夫天
人師具足十力力二四無所畏難調伏者使令調
順我今轉大法輪我獨一身降伏汝等大藥
叉將一切軍衆悉令降伏我今以大智力爲
欲擁護利益安樂一切衆生如來於一切悉
地皆得成就我有神呪名一切明汝應聽受
即說呪曰

唵引阿僧擬引康誡嚕帝引末攞你哩驅合二
嚕引戍引哩引戍引囉嚕哩引嚕日囉合二
三銘引嚕日囉合二馱哩引薩擔合二鼻捺哩合二
姤娑哩引尾惹曳引尾伽細引嚕囉引仡囉

鉢囉二合 鉢帝二合 阿囉拏引 達麼欲訖帝

二合 禰尸尾驅瑟致二合 娑嚩二合 薩底也

三合 薩觀二合 阿呬半引 薩嚩薩恒嚩二合 南引

左怛他引 誡多末黎引 曩乃引 濕嚩二合 哩也

二合 地鉢底曳二合 曩娑嚩二合 賀引

是時四方諸大藥又矩畔拏等聞佛世尊說

是神呪一時合掌恐懼失色怖畏戰慄身體

四肢不能自勝出大怖聲其聲遠震十方聞

知四大天王作是思惟如來三密守護大千

大明王神呪威德之力廣大甚深不可思議

彼諸藥又矩畔拏眾諸鬼神等聞佛所說皆

悉降伏猶如大風吹散火焰無有遺餘佛所

說法亦如利刀諸毒害心悉令斷滅佛言如

梵王呪破彼俱尾囉長子令彼長子不起異

心若復有人為彼天龍及諸藥又矩畔拏眾

諸鬼神等惱害惑亂執魅之者當用醍醐及

以芥子以是神呪而加持之擲入火中令火

出焰又擲四方及上下或擲入水是諸人

等速得安樂若有不順此呪者以酥芥子相

和燒之皆令出焰亦得安樂彼等藥又為棒

所打身體生瘡及有棒痕彼藥又等疼痛苦

惱往阿拏迦嚩底王城到已其俱尾囉威德

神力勅諸藥又或不令入不得飲食及其本

坐種種怖畏眾會一處出大音聲離藥又國

此守護大千甚深經典若有藥又及矩畔拏

諸鬼神等不隨順者彼諸藥又及鬼神等為

大忿怒金剛明王手執金剛而破其頭復以

利刀而截其舌復以利刀斷其耳鼻或復斬

截令身粉碎或以刀輪而斷其首或以鐵棒

恒常鞭撻或以鐵楯而釘其心或於口中常

出膿血毀謗斯經獲如是報常處輪迴出已復入無有休息諸有吉祥國土城邑不復共會時四方天王東方持國南方增長西方廣目北方毗沙門天王被忍辱鎧各坐寶座住於佛會大梵天王以神通力化作寶殿種種妙寶以爲莊嚴其中復現金剛寶座佛坐其上彼大梵天王及諸梵王合掌作禮住立佛前讚歎世尊作如是言如真金幢金色晃耀目若蓮華清淨無垢如娑羅王樹華開敷如淨滿月衆星圍遶相好巍巍功德莊嚴牟尼法王爲世間燈力一天人稱讚能令安樂一切衆生皆到究竟涅槃彼岸出生於佛及辟支佛諸聲聞衆天人神仙婆羅門等悉皆增長是時世尊告大梵天王及諸梵衆護世四王等而作是言如來爲欲利益安樂一切有情故

汝等聽受若復有人聞此經典輕毀之者譬如有人動須彌山及四大海乃至大地皆令翻覆其人又言日月星辰水火風等我能繫縛致於他方令彼處現如是人等爲自欺誑無有是處乃至起於種種異心輕毀之者如是人等皆爲嫉妬不爲利益一切人天即爲愛樂增長步多鬼神等衆彼諸鬼神周徧遊行伺求人便食啖其肉如是人等即爲一切魔王徒黨步多鬼神而爲眷屬如是人等於此神呪不生信敬以是神呪威德力故令彼人等知其過惡即於佛前至心受持此守護大千陀羅尼經懺悔之者是諸人等即得遠離種種謫罰時會大衆頂禮佛足各各瞻仰金色之身是時復有毗首劫摩天子爲四天王造四大寶車一一皆以七寶所成謂金銀

瑠璃真珠碼瑙及玻胝迦珊瑚等寶種種間錯而嚴飾之護世四王坐其寶車以天威力悉變金色乘空而行至步多國香華寶物徧覆其地而爲供養是時護世四天王勅六大藥又將言汝等今者持是神呪以呪威力往詣四方所有一切藥又羅刹步多鬼神汝以絹索當繫其頸將來至此乃至十方一切國土有此最上甚深經典所在之處悉當守護時梵天衆及餘諸天皆悉以此甚深經典神呪威力降伏一切藥又羅刹步多鬼神而爲守護大千國土是時毗沙門天王大藥又即往四方巡遊世界勅諸大藥又將所有藥又羅刹步多鬼神或住十方國土城邑或居巖窟東方彥達嚩嚩與二十八步多鬼神衆俱南方矩畔拏魅與二十八步多鬼神衆俱

西方龍魅與二十八步多鬼神衆俱北方藥叉魅與二十八步多鬼神衆俱如是等種種執魅恒於世間惱害衆生作諸魅事汝等諸大藥又將以此神呪威力故而降伏之以五絹索繫縛其身牽來至此時矩尾囉說是語已復有矩尾囉長子名散惹野大藥又常乘於人統領六十俱胝藥叉及步多鬼神衆俱其第二子名惹你迦大藥又將統領六十俱胝藥叉及步多鬼神衆俱其第三子名曰大魅大藥又將統領六十俱胝藥叉及步多鬼神衆俱其第四子名曰羗腹大藥又將統領六十俱胝藥叉及步多鬼神衆俱摩醯首羅其天四臂具大威力亦復統領六十俱胝藥叉及步多鬼神衆俱如是矩尾囉長子散惹野大藥又將等及摩醯首羅彥達嚩衆皆

以此神呪悉令調伏十方所有藥叉羅刹步
多鬼神亦令降伏以五繯索繫縛其身牽來
至此我今破壞佛言若復有人於此神呪如
法受持當想此大明王至心念誦如是神呪
能攝一切諸大神呪等無有異作忿怒聲起
勇猛意誦此神呪彼藥叉衆步多鬼神以是
神呪威德力故皆爲毗沙門天王鐵棒之所
鞭撻自縛而來歸命懺悔若諸魔王及諸魔
衆藥叉羅刹步多鬼神於佛法中常作魔事
起諸障難以是神呪威德力故於一念頃皆
悉自來歸命懺悔彼諸藥叉及羅刹娑步多
鬼神或居大海或住諸河或居舍宅或依門
戶或處空室湫漈江湖川澤陂池園苑林樹
或居曠野或住村坊國邑聚落村巷四衢或
居天祀或住王宮或依乾枯娑羅之樹或居

道路或住城隍或居道界或處一方或住四
隅或不依方所有千萬億藥叉羅刹及諸步
多鬼神等衆以是神呪威德力故皆悉調伏
復有諸大彥達嚩衆或爲歌舞或作倡妓奏
諸雅樂琴瑟鼓吹出妙音聲如是等大彥達
嚩衆具大威德有大光明色相圓滿以是神
呪威德力故皆悉調伏天帝釋日月天子地
天水天火天風天頗羅墮天子護世四天摩
多里天子眼赤天子雪山天子梅檀天子商
主天子麼拏建婁天子世間敬天子麼怛隸
呬怛囉合二泉曩天子彥達嚩王呬曩哩沙合二
天子五髻天子觀母嚩天子山王天子麼泉
天子尾濕嚩合二彌怛嚩合二天子耶殊陀羅天
子針耳天子大口天子妙口天子如是等一
切大威德天大力軍衆及天龍彥達嚩阿蘇

囉藥叉羅刹女或復瘧病一日二日三日

日若常熱病恒常惱害一切衆生起毒害心
行不饒益者諸藥叉羅刹皆爲神呪羅索之
所繫縛牽之而來一時合掌住立佛前讚歎
世尊而作是言

稽首丈夫無所畏 稽首調御天人師
不可思議大法王 是故我今歸命禮

佛說守護大千國土經卷上

音釋

切	陟駕	切	奴葛	闌落切	締丑知切
切	乞	其迄切	餒	干瞍瞪	拏
切	剝	刑鼻也切	餓乙黑切	瞍莫巨切	魚豈切
	櫪	其月切	噦氣壹逆也	瞍目不明也	顙
	漑	疋各切	喘	應緬	魚約切
			疾息也	充捺	疾也切
			姹		

佛說守護大千國土經卷中

力二

宋西天北印度烏填曩國三藏傳法大師施護奉 詔譯

是時復有諸大藥叉步多鬼神皆具威德有大神力以是因緣奔來集會所謂四臂藥叉大毒害藥叉多足藥叉四足藥叉二足藥叉一足藥叉一頭多足藥叉仰足藥叉懸頭藥叉又四頭多眼藥叉半身一目藥叉又十二腹藥叉驢脣藥叉象頭藥叉半手藥叉倒面藥叉又鐵牙藥叉鐵臂藥叉鐵足藥叉復有諸羅刹娑衆所謂銅髮羅刹娑銅牙羅刹娑銅眼羅刹娑銅手羅刹娑身如銅棒羅刹娑銅鼻羅刹娑懸頭背面羅刹娑手足炎熾羅刹娑諸根不具羅刹娑偃僂羅刹娑金翅鳥形羅刹娑惡眼惡視羅刹娑惡面羅刹娑摩竭魚形羅刹娑獸形羅刹娑醜陋羅刹娑鐸嘴羅

刹娑長脣羅刹娑偏牙羅刹娑毒害羅刹娑常嘔眉面羅刹娑大腹羅刹娑象耳羅刹娑耽耳羅刹娑無耳羅刹娑長臂羅刹娑長鼻羅刹娑長手羅刹娑體乾枯羅刹娑身長羅刹娑髮長羅刹娑長莊嚴羅刹娑大足羅刹娑細頸羅刹娑晃氣羅刹娑鳬腹羅刹娑猴形羅刹娑鵝形羅刹娑持杵羅刹娑腹如棒羅刹娑豎眼羅刹娑大耳羅刹娑髮豎羅刹娑赤色羅刹娑大頭羅刹娑弓項羅刹娑腹曲羅刹娑肌瘦羅刹娑兩火羅刹娑須彌頂羅刹娑如是等大羅刹娑皆具威德有大神力以是因緣皆悉奔馳來集佛會復有諸大矩畔拏衆所謂樹形矩畔拏山石矩畔拏雲霧形矩畔拏梵螺聲矩畔拏鼓音矩畔拏天音聲矩畔拏惡聲震吼矩畔拏大項矩畔拏

驢聲矩畔拏黑色矩畔拏青色矩畔拏黃色
矩畔拏綠色矩畔拏碧色矩畔拏針毛劍髮
矩畔拏血汗身矩畔拏如是等諸矩畔拏以
是因緣皆悉奔馳來集佛會是諸藥叉羅刹
及矩畔拏等皆以血穢汙染其身齒如鋒芒
手執死屍走而食之血汗脣口身手俱赤自
擘其腹心腸皆出現是惡狀令人恐怖或摘
人足渾吞食之手足黑色殺命無數有大筋
力其身骨鎖猶如鐵索毒害熾盛常懷惡心
甚可怖畏活剥人皮滿中盛血十方國土城
邑聚落處處門戶而棄擲之毒氣流行作諸
災禍種種疾疫傷害衆生毒風寒熱一切災
變處處流行周徧四方是諸國土所有仁王
見是災禍流行世間心生怖畏以是神呪大
陀羅尼而加持之如是魔王及其眷屬藥叉

羅刹步多鬼神皆悉降伏自縛而來即於佛
前合掌讚歎作如是言

稽首丈夫無所畏 稽首調御天人師
不可思議大法王 是故我今歸命禮

復有藥叉羅刹矩畔拏及彥達嚩步多鬼神
遊行世間國土城邑王宮聚落村巷四衢飲
啖血肉吸人精氣或有大身具大威德富貴
自在十頭千眼四臂多臂猛惡毒害無能敵
者甚可怖畏百千眷屬而爲侍從執蛇秉炬
或弓箭劍戟諸鬪戰具或執金剛現如是形
令他恐怖周遊十方一切國土與諸藥叉及
羅刹衆更相鬪戰常隨衆生所在之處吞啖
於人新熱血肉以充其食亦以神通作諸變
現或作師子或現虎狼象馬駝驢牛羊猪犬
或爲野干熊羆獐鹿或作異獸名囉驅迦閉

或變其形名鉢囉_{合二}契佉陵誡_{合二}或現水族
鼉鼉龜鼉鰕鰕螺蚌龍魚之類復現孔雀鸚
鵡白鶴或復現爲俱枳羅鳥或復現爲靈鷲
鳥或爲鳩鵲鴉鴛鴦或爲鷄鴈或現飛鳥
身如金色是諸藥又現種種形令人恐怖於
其中間互相憎嫉互相食啖如是等衆其心
差別恒常裸形黑瘦顛顛耽著欲樂殺諸衆
生出彼腸胃纏縛其身或以鐵叉撞刺令彼
苦惱出大惡聲以適其意隨諸衆生現種種
相或自執持刀輪劒戟或有羅刹口牙鋒利
或自出眼睛或無耳鼻或無手足口如牛口
知諸衆生生處住處及所行處或變其身令
極微細於口鼻中及毛孔肢節一切身分吸
人精氣如是藥叉羅刹步多鬼神百千萬衆
於諸世間無能制者以是神呪威德力故自

縛而來即於佛前合掌恭敬以偈讚曰

稽首丈夫無所畏 稽首調御天人師

不可思議大法王 是故我今歸命禮

復有妙高山王輪圍山王鷲峯山王伊沙馱

羅山王雪山王香醉山王半拏羅山王尾唧

怛羅_{合二}山王寶峯山王曩囉那山王持雙山

王吉祥山王高頂山王如是等諸大山王皆

悉來集彼諸山處一切諸天而來遊戲五通

神仙之所依止修行苦行復有百千萬億天

子與百千萬億天女眷屬俱毗摩質多羅阿

脩羅王羅睺_{合二}阿脩羅王鉢囉_{合二}賀囉_{合二}那阿

脩羅王如是等百千萬億阿脩羅王與若干

阿脩羅女眷屬俱復有諸大龍王摩那斯龍

王無熱惱池龍王難陀跋難陀龍王善眼龍

王金剛慧龍王殑伽龍王信度龍王娑竭羅

龍王如是等百千萬億諸大龍王與若干龍女眷屬俱復有百千萬億迦樓羅王亦與百千萬億迦樓羅女眷屬俱復有諸藥叉將名字所謂

金華藥叉神 住於獻馱國 鼻色迦藥叉
摩竭陀國住 迦卑梨藥叉 婆嚕迦砌神
此二大藥叉 俱舍羅國住 鉢囉奔拏迦
婆醯城中住 針毛藥叉神 住於末利國
耶輸陀藥叉 及以鼻沙拏 此二大藥叉
鉢左利國住 眼赤大藥叉 阿濕縛爾國
冰誡羅藥叉 住阿鉢底國 迦卑羅藥叉
吠耨勢國住 覓腹藥叉神 住在末蹉國
清淨大藥叉 在於瑜羅國 能破他藥叉
彥馱羅國住 素哩弭怛囉 住於劒母國
復有一十六大藥叉將有大威德皆具光明

力二

止

所謂執金剛藥叉而爲上首謂法護藥叉奔拏羅藥叉迦卑羅藥叉妙見藥叉尾瑟咄_{合二}
藥叉賓努藥叉迦羅輸那藥叉矩婆藥叉眞實藥叉半支喻藥叉摩醯首羅藥叉能破壞藥叉輪囉娑努藥叉焰魔藥叉及焰魔使者
大藥叉等大威德大力軍衆與俱胝大藥叉俱共圍遶復有諸藥叉女及大羅刹女訶利帝母而爲上首彼訶利帝名稱遠聞具大威德現可畏形與五百子而自圍遶所謂阿俱吒羅刹女迦利迦羅羅刹女胝迦利羅刹女鉢捺麼_{合二}羅刹女華主羅刹女華齒羅刹女廣目羅刹女驢耳羅刹女贊那努羅刹女尾瑟咄_{合二}羅刹女訶利羅刹女迦閑羅羅刹女冰誡羅羅刹女象形色羅刹女龍齒羅刹女峯牙羅刹女惡牙羅刹女賀羅羅刹女阿賀

羅羅刹女賢牙羅刹女如是等諸羅刹女皆具威德有大光明現可畏形各持戰具十方馳走食啖於人及諸生命其所行處地皆搖動園林枯死草木乾焦一切山岳悉皆摧毀以是神呪威德力故自縛而來即於佛前以偈讚曰

稽首丈夫無所畏 稽首調御天人師
不可思議大法王 是故我今歸命禮

是時毗沙門天王前白佛言世尊我於北方建立一城名阿拏迦嚩底彼阿拏迦嚩底城一切天衆於彼而住其城高廣面百由旬衆寶間錯以爲莊嚴有大藥叉手持金剛住於四方而爲守護我彼大城如是建立其城四門第一純以黃金所成其第二門衆寶合成其第三門純頗胝迦其第四門摩尼之寶復

力二

六

以衆寶而嚴飾之於其城中處處皆有園林華果種種宮殿種種妙寶以爲莊嚴復有種種寶樹行列亦有種種雜色之鳥飛翔其上或坐寶樹以爲莊嚴有種種香種種塗香諸藥叉女周匝圍遶作倡妓樂我彼國界莊嚴如是富貴自在彼步多衆受勝妙樂我及使者奉持正法信受愛樂不殺生命以不殺故藥叉羅刹諸步多衆不得飲食無飲食故心生熱惱以熱惱故捨離正法殺諸生命惱亂衆生以是因緣我於十方周徧巡行所到國城四方門戶觀彼住處或住園林或居道路一切住處藥叉羅刹步多鬼神百千萬億悉以神呪威德力故令彼自縛皆來至此我於彼城有梅檀林及清涼池我及眷屬於彼遊戲我處其中名爲法王以法治世於其中間

復有種種衆寶樓閣第一黃金第二白銀第三吠瑠璃第四頗胝迦第五妙真珠寶第六白玉第七碼瑙第八七寶合成一一樓閣有百千萬寶女而住其中彼諸寶女妙色端正工巧技藝歌唱鼓吹無能及者有如是等種種功德復以天^{力二}諸妙寶及無價衣莊嚴其身作衆妓樂是故我常耽著慾樂及以飲食如彼醉人不能惺悟是故諸藥又及羅刹衆步多鬼神走趣十方作諸怖畏若男若女在母胎中令胎傷損并及畜生亦復如是爲求飲食殺諸生命乃至苗稼及以華果一切種子諸藥草木爲彼藥又奪其滋味令其減少復有執曜及諸星宿起毒害心照臨一切使諸衆生不恒禍福爲煩惱因更相鬭諍更相欺調更相殺害水火盜賊枷鎖繫閉作諸執魅

惱亂衆生如是種種諸惡不祥皆爲執曜及諸星宿之所變怪或復令人多諸疾病羸瘦纏病呻吟終日身體乾枯喘息微細或復令人受諸驚怖或作惡夢夢中恐懼或於夢中造衆惡業或在夢中受諸苦惱逼迫之事或居門戶作彈指聲如是等比皆爲一切步多鬼神所作之事爲欲吞啖諸衆生故或爲朋友骨肉親戚或現居家僕從士女工巧技藝端正殊妙欲使其人心生愛樂或復現作慧孛妖星或爲旋風夜變鬼火或作虎狼或爲豺狗常懷毒害恐怖於人或依樹林或居塔廟或在平地或處高原或爲天童以魅於人或於暑月化清涼車出種種聲或爲畫像或現舍宅或在道路現作城邑令人愛樂皆爲執曜藥叉羅刹步多鬼神作諸魅事執人身

命常令驚怖種種色相種種音聲種種病苦
種種痛惱乃至夢想種種顛倒如是等比隨
意自在能變世間一切色相彼諸藥又羅刹
步多鬼神及諸執曜皆以神呪威德力故自
縛而來是時毗沙門天王起立合掌即於佛
前以偈讚曰

力二

如來輪跏坐 猶如真金柱 光明照世間

福智大牟尼

說是偈已北方有六萬四千藥叉衆皆爲毗
沙門天王之所謫罰令於佛前受持神呪即

說呪曰

曩莫三滿跢沒駄南引唵引佉契引誡哩陞

引尾作訖灑合二拈引作訖囉合二囉引惹你引

贊捺哩引二合播引多引禮引鼻引麼跛哩縛

合二帝引佉囉仉哩引二合俱胝迦囉引仉哩合二

引瞠迦引乞又合二末陵誡合二縛底娑引喇江囉

切誡縛帝引唧怛囉合二建底娑縛合二薩怛野

合三宰觀合二麼麼阿醯謗引薩波哩縛引覽薩

縛薩怛縛引一合難引左薩縛婆喻引波捺囉

合二吠引毗藥合二娑縛合二賀引沒囉合二憾麼合二

引左引比野合二他爍訖囉合二室左合二路引迦

播引攞引麼醯引囉引藥乞又合二梟曩引鉢

多野薩縛合二賀引利引帝引左娑補怛哩合二

迦引伊舍引補瑟謗引二合室左合二獻鄧引鉢

囉合二底仉哩合二恨難合二多麼麼引昏頂尾引

哩曳引二合拏帝引惹娑引帝引灑引每引濕

縛合二哩曳合二拏末禮引曩左你賀多引薩縛

嚕引誡引室左合二娑縛合二悉底野合三宰觀合二

麼麼阿醯謗引颰波哩縛引覽薩縛薩怛縛

引二合難引左薩縛婆喻引跛捺囉合二吠引毗

藥合二娑縛引二賀引

稽首丈夫無所畏 稽首調御天人師

不可思議大法王 是故我今歸命禮

時持國天王起立合掌面貌熙怡如華開敷

恭敬尊重出妙音聲如孔雀音迦陵頻伽俱

枳羅等妙雲天鼓微妙之聲白佛言世尊我

於東方有六萬四千彥達縛羅刹娑衆惱亂

世間一切衆生我今謫罰令於佛前受持神

呪即說呪曰

曩莫三滿路沒駄南引駄囉拏駄引囉拏尾

持網合二蹉你畔惹你鉢囉合二畔惹你尾駄麼

你經切布魯曬引爍迦禮舍引囉底戍囉

駄哩引鉢駄左囉拏引軀引沙縛帝引娑引

囉引仡哩合二扇引底娑縛合二悉底野合三罕

覩合二布哩罔引二合禰尸娑縛引二合賀引沒囉

合二憾麼引二左引比野合二他爍訖囉合二室左

合二路引迦播引囉引麼醯濕縛合二囉引藥乞

又合二泉曩鉢多野薩吠引賀引哩引帝引左

三補怛哩合二迦引伊捨引補瑟波合二室左合二

獻鄧引室左合二鉢囉合二底仡哩合二恨拏合二底

麼麼引昏帝尾引哩曳合二拏帝惹娑引帝引

沙引每引濕縛引二合哩曳合二拏末禮引曩左

你賀多引薩縛嚕引誡引室左合二娑縛合二悉

底也合三罕覩合二麼麼阿醯謗引毘跋哩縛引

嚩薩縛薩怛縛合二難左薩縛婆喻引跋捺

囉合二吠引毗藥合二娑縛引二合賀引

稽首丈夫無所畏 稽首調御天人師

不可思議大法王 是故我今歸命禮

時增長天王即從座起合掌恭敬白佛言世

尊我今爲欲利益一切有情故破一切見一

切異論斷一切疑一切世間作障難者尾那

夜迦及我南方六萬四千矩畔拏衆及鉢哩

合二多布單那等常於世間起毒害心惱亂衆

生我今謫罰令於佛前受持神呪即說呪曰

曩莫三滿路沒馱引南引唵引娑引囉底劒

引底迦引囉枳劒迦枳囉拏末拏馱囉拏

末哩馱合二你晉引彌馱囉你醯麼嚩底祖仁

引切底左囉拏誑囉引仡哩合二娑嚩合二悉底也

合三率觀合二麼麼阿醯謗引颯跛哩嚩引囉寫

薩嚩薩恒嚩引二合難引左諾乞史合二被引演

左娑嚩引二合賀引沒囉合二憾麼引二合左引比

野合二陀爍訖囉合二室左合二路引迦播囉麼醯

濕嚩合二囉引藥乞叉引二合地鉢多野薩吠引

賀引哩引帝左娑補恒哩合二迦引伊捨引補

瑟謗引二合室左合二嚩馱引室左合二鉢囉合二底

仡哩合二恨赦合二觀麼麼引昏頂尾引哩曳合二

引拏帝引惹娑引帝引爽引每引濕嚩合二哩

曳引二合拏末禮引曩左你賀多引薩嚩嚩引

誑率觀合二麼麼阿醯謗引颯跛哩嚩引囉寫

薩嚩薩恒嚩引二合難引左薩嚩婆喻引跛捺囉

二吠毗藥合二娑嚩引二合賀引

稽首丈夫無所畏 稽首調御天人師

不可思議大法王 是故我今歸命禮

時廣目天王從座而起合掌恭敬白佛言世

尊我於西方有六萬四千大龍王衆常起大

雲與大海衆持於大水現大勇猛作大鬪戰

常於世間惱亂衆生我今謫罰令於佛前受

持神呪即說呪曰

曩莫三滿路沒馱引南引唵引達哩銘合二左

囉引仡哩引二合末囉嚩底末禮你禰商倪引

尾縛尸娑哩引佉哩劫閉禮引贊拏引隸底

哩拏你囉引惹你引尾馱囉拏縛引囉拏引縛

底阿左梨娑縛引悉底野引罕覩引麼麼阿

醯誘引颶波哩縛引囉寫薩縛薩恒縛引縛

難左鉢室止引麼引焰引禰尸娑縛引賀

引沒馱引左引比也引他爍訖囉引室左引

路引迦播囉麼咽濕縛引囉藥乞又引地鉢

多野薩縛賀引哩引帝引左娑補恒哩引迦

伊輪引補瑟誘引室左引嚧馱引濕縛

合鉢囉引恨被引覩麼麼引昏頂尾引哩曳

引二合拏帝惹娑引帝引沙引每引濕縛引哩

曳引拏末禮引曩左你賀多引薩縛魯識

引室左引娑縛引悉底野引罕覩麼麼阿醯

誘引颶波哩縛引囉寫薩縛薩恒縛引難

左薩縛娑喻引跋捺囉引吠毗藥引娑縛引

力一

十二

引賀引

稽首丈夫無所畏 稽首調御天人師

不可思議大法王 是故我今歸命禮

時大梵天王諸梵天王等即從座起合掌恭

敬白佛言世尊我諸梵種淨行婆羅門等能

知清淨婆羅門種種法要工巧呪術醫方世

論占相吉凶善開世間一切行法灰身寂默

修諸苦行常於人世利益衆生爲諸藥叉及

羅刹衆住於世間空行地居及住地下惱亂

衆生作諸執魅我有神呪而謫罰之令於佛

前受持神呪即說呪曰

曩莫三滿跢沒馱引南引唵引沒囉引憾銘

引二合沒囉引憾麼引軀曬引沒囉引憾麼引

娑縛引哩引縛日哩引縛日囉引軀曬引

縛日囉引馱哩引悉體引娑哩引阿

左禮引阿囉拏引伊舍拏引囉拏引囉拏引成引
 哩引囉囉引仡囉合二鉢囉合二鉢帝引二合娑引
 囉囉合二帝娑囉合二悉底野合三窣覩合二麼麼阿醯
 謗引颯波哩囉引囉寫薩囉合二薩恒囉合二難
 左薩囉合二婆喻引跛捺囉合二吠毗藥合二娑囉合二
 賀引囉引多惹閉多惹嚕引誡引室禮合二
 瑟麼合二惹散你播多惹你賀多薩囉引
 誡引室左合二娑囉合二悉底野合二窣覩合二麼麼
 薩囉合二薩恒囉合二難左薩囉合二婆喻引跛捺囉
 合二吠引毗藥合二娑囉合二賀引

如世間良醫善治衆生種種病惱亦如世間
 有阿闍梨智慧方便無不具足悉能化導利
 益安樂王及人民如來今者出現於世亦復
 如是我住世間云何爲彼藥叉羅刹步多鬼
 神惱害惑亂一切衆生故我今往詣毗耶離
 大城爲欲利益救護此毗耶離大城一切衆
 生故而作佛事說是語已是時世尊食時著
 衣持鉢與大苾芻衆千二百五十人俱下鷲
 峯山時索訶世界主大梵天王衆以五百寶
 蓋及以寶拂執持圍遶侍奉供養隨佛而行
 天帝釋衆亦以五百寶蓋及以寶拂執持圍
 遶侍奉供養隨佛而行護世四王衆各以五
 百寶蓋及以寶拂執持圍遶侍奉供養隨佛
 而行摩醯首羅天子與二十八大藥叉將并
 三十二大力藥叉衆訶利帝母并其子及眷

屬如是等衆各各以百大妙寶蓋執持圍遶
侍奉供養隨佛而行舍利弗等諸聲聞衆各
各亦以天妙寶蓋執持圍遶侍奉供養隨佛
而行于時世尊具足如是勝妙色相福德之
利與諸苾芻從驚峯山諸離車尾國毗耶離
大城遙望彼城於其城中王及人民同見世
尊威德巍巍端嚴殊特最勝平等具足根力
調伏諸根猶如大龍其心清淨湛然不動以
三十二大丈夫相八十種好莊嚴其身如娑
羅王譬如杲日放光明網亦如夜暗於大高
峯現大明炬如火聚如鑄金像如來威德
亦復如是彼諸人等遙見世尊心皆歡喜憶
念思惟即共發心出毗耶離大城奉迎世尊
入彼城中時毗耶離大城道路平正掃除清
淨出種種華徧布其地建立種種諸妙寶幢

懸衆幡蓋塗香栴香而爲供養世尊到已王
及人民頂禮佛足世尊爲欲利益一切衆生
故即現足下勝妙柔軟千輻輪相及蓮華文
而復現於毗首劫摩藏文以如是等過去積
集無量無邊諸善功德殊妙色相莊嚴其身
放大光明其光晃曜逾百千日周徧普照以
清淨臂與彼離車尾國毗耶離大城王而摩
其頂安慰其心是時世尊於毗耶離大城之
中如帝釋幢安詳而立觀察四方徧袒右肩
舒金色臂而作是言未來世中若復有人供
養如來分身舍利如芥子許所獲功德無量
無邊不可思議不可窮盡未來世中若復有
人供養如是守護大千國土大明王甚深經
典者即同供養一切如來全身舍利等無有
異是諸人等即能遠離一切執魅此守護大

千國土大明王神呪經典即是恒河沙等如
來應正等覺佛之密印若苾芻苾芻尼優婆
塞優婆夷受持讀誦恭敬供養爲人解說彼
諸怖畏一切災難鬪戰諍訟更相誹謗桎械
枷鎖種種惡法不善之業諸惡不祥永不復
受亦不值遇是時世尊說是語已索訶世界
主大梵天王白佛言世尊此守護大千國土
大明王神呪經典爲恒河沙數如來應正等
覺佛之密印能令解脫一切衆生諸惡不祥
惟願世尊爲我說之是時世尊語索訶世界
主大梵天王言梵王汝今諦聽善思念之即
說大明王陀羅尼曰

曩莫三滿跢沒馱引喃引唵引阿左禮引麼
左禮引娑引囉麼左禮引鉢囉合二訖哩合二底
你哩引軀引使三滿目契引悉弟合二哩引娑

他合二縛哩引你軀瑟致合二攝勿禰合二
鉢囉合二誡囉你引播引囉誡彌娑囉縛拈末
禮引摩賀引末禮引摩賀引你哩婆合二細
引娑縛合二賀引

是時世尊即現其身作大明王說此大明王
陀羅尼已而作是言大梵此大明王身者從
如來方便功德智慧生從奢摩他微鉢舍那
三三摩地四禪四聖諦及四念處四正勤四
神足五根五力七等覺支八聖道支及九次
第定如來十力十一解脫處十二因緣十二
行輪六念處十六念佛三昧觀行十八佛不
共法四十二字門生佛告大梵如是法門者
皆爲如來功德守護大千國土大明王解脫
法門也如是法門者即爲恒河沙等諸佛如
來佛之密印能出生一切諸佛一切法藏出

生真實道出生十二緣生出生梵天王天帝
釋護世四天王出生摩醯首羅出生日月天
子九執十二宮辰一切星宿是時世尊復說
大明王心陀羅尼曰

曩莫三滿跢沒馱_{引南}唵_{引娑}麗_{引迦}

臬你尾嚩囉拏嚩囉_引佉囉_{合二}娑_引哩_引阿

目_引乞叉_{合二}拏_引阿目_引洗嚩顚_引迦_引禮

曩迦_引麗_引劍_引尸嚩你_引娑_引囉拏_引娑

囉迦娑契_引鉢囉_{合二}散曩鉢囉_{引二}鉢帝_{合二}

娑_引誡囉鉢囉_{引二}鉢帝_{引二}娑擔_{合二}娑

你_引婆多_{合二}曩鉢囉_{引二}鉢帝_{引二}嚩日囉

合馱哩_引娑嚩_{引二}賀_引

是時世尊爲梵天王及諸大眾說此大明王

心陀羅尼已于時復說此伽他曰

我今爲此天人衆 演說如是深妙法

力二

十七

猶如帝釋髻中寶 於一切處當得勝
十方如來悉證知 超過一切天中天
是故法寶無有上 斯真實故得安樂
忍辱消除諸煩惱 如人飲服甘露味
能仁演斯微妙法 利益一切諸衆生
此法甚深無與等 行甘露行殄災厄
如是法寶最殊勝 是真實故得安樂
利益一切諸衆生 爲說種種甘露法
如彼三世薄伽梵 最勝平等三摩地
常行無上瑜伽行 現於金剛等二道
如是法寶最第一 斯真實故得安樂
補特伽羅相應行 八大丈夫常修行
或時演說四意趣 及諸如來解脫門
我說法施大果報 如彼好地植種子
是故僧田最無上 斯真實故得安樂

爲求無上菩提故 其心堅固不退轉
 出家奉持沙門行 闡揚如來微妙法
 令衆獲得甘露味 自他速登涅槃道
 是故僧寶最第一 斯真實故得安樂
 貪瞋癡等皆已盡 猶如劫燒無有餘
 身見邊見及邪見 見取戒取悉消亡
 或以種種諸方便 彼同凡類化衆生
 僧寶最上最第一 是真實故得安樂
 貪欲瞋恚不復生 乃至癡慢皆同等
 身語意業悉清淨 能除群生諸有苦
 了彼罪性如虛空 湛然清淨非取捨
 是故僧寶最第一 斯真實故得安樂
 其心堅固無動轉 如彼因陀羅寶幢
 四方種種大風吹 終不能令彼搖動
 補特伽羅亦如是 現諸神通化群品

僧寶最上第一最 斯真實故得安樂
 或有能於四聖諦 觀察甚深微妙理
 開諸衆生智慧門 及以檀戒利群品
 堅持諸法無散亂 滅除衆生八難苦
 僧寶最上最第一 斯真實故得安樂
 煩惱及漏皆已盡 如彼風燭無有異
 滅已畢竟不復生 如是無生亦無滅
 亦不可見及聞知 我今語汝諸佛子
 僧寶最上第一最 斯真實故得安樂
 利益一切諸衆生 乃至人與非人等
 供養十方一切佛 禮事諸佛得安樂
 利益一切諸衆生 乃至人與非人等
 供養十方一切佛 奉持法藏得安樂
 利益一切諸衆生 乃至人與非人等
 供養十方一切佛 恭敬僧伽得安樂

十方所有來集會 或在地上或居空
常於人世起慈心 日夜奉持微妙法
如來實語度衆生 彼誠實言離怨結
能令衆生皆解脫 是故真實得安樂
我等并眷屬 及餘諸有情 遠離生死怖
速獲勝悉地

陀羅尼曰

曩莫三滿跢沒馱引南引唵引地引哩引地
哩引末禮引你哩引合二驅引使引末囉娑引哩
娑引末囉末引窣覩引合二底鉢囉引合二步多鉢囉引合二
鉢帝引合二阿引囉末引阿囉引驅引使引娑引囉
嚩引阿左引俞引合二帝引末囉嚩引帝引戍囉鉢
囉引合二鉢帝引合二娑引娑引囉誡銘引素哩也引合二
你哩引驅引合二使引娑引嚩引賀引
佛告大梵天王此守護大千國土大明王解

脫法門者爲恒河沙等諸佛如來應正等覺
佛之密印於其中間出生無量差別句義所
謂佛句法句僧句大梵天王句天帝釋句護
世四天王句摩醯首羅句根本句意句性句
因句住處句寂靜句一切如來觸緣覺觀聲
聞觀如是等種種法句常爲一切大梵天王
并諸梵衆及天帝釋護世四天王恭敬供養
尊重讚歎摩醯首羅及餘諸天恭敬供養尊
重讚歎瑜伽阿闍梨及餘法師恒常稱讚由
是密印即爲增益梵天王等諸天諸仙神通
變現種種智慧乃至一切世間外道梵志發
歡喜心棄捨邪業此即諸佛智慧根本諸辟
支佛涅槃之道一切聲聞相應之行爲諸衆
生示菩提相演一乘法指入聖路開解脫門
斷諸見網摧我慢山清淨業道息輪迴苦竭

佛說守護大千國土經卷下

力三

宋西天北印夏烏漢三藏傳法大師施護奉詔譯

是時索訶世界主大梵天王及天帝釋護世四大天王即起禮佛同聲白言世尊唯願以此守護大千國土大明王威神之力護持我

力三

等各并眷屬及餘一切諸衆生類令得安樂以是密印印於四方及以密印印彼一切藥叉羅刹步多鬼神令彼調順其中若有起毒害心行不饒益者以是大明王陀羅尼而爲誦罰使令調順此大明王甚深經典佛之密印我今頂受不敢違越是時世尊以是密印而印持之即說大明王陀羅尼曰

曩莫三滿路沒馱引南唵引迦陵擬娑

囉彌引惹那佉哩合惹麼帝星賀麼彌引

娑誡嚕引佉囉鉢囉合鉢帝罕娑誡

引彌嚕引麼梨嚕虎嚕冰誡梨銘賀恒賀恒賀恒賀恒素那嚕嚕嚕引佉囉底合嚕底賀悉底嚕合嚕嚕嚕嚕底贊拏梨嚕嚕嚕嚕引你曳合左囉引左哩引娑嚕引賀引

是時世尊復說此守護大千國土大明王陀羅尼時三千大千世界六種震動四方四隅所有一切藥叉羅刹步多鬼神出大音聲其聲可怖而作是言苦哉苦哉云何今日有是災難如我等衆今見破壞皆悉殞滅作是語已心懷愁惱是時世尊變化大地爲金剛寶地以佛神通威德力故皆悉倒地諸藥叉羅刹步多鬼神恐怖轉增四散馳走時護世四大天王即變四方周帀火焰炎熱熾盛無有

去路彼諸藥又羅刹步多鬼神見是事已展轉惶怖走向虛空是時索訶世界主大梵天王承佛威神於虛空中現大鐵蓋高七多羅樹周徧普覆彼諸藥又羅刹步多鬼神徘徊空中終不能脫是時帝釋天主於虛空中即現山石劒戟弓箭槍稍及以樹木如雨而下即於是時此索訶世界中復有五千大藥又以是大明王陀羅尼威神之力自縛而來皆集佛會心懷恐怖身體戰慄猶如瘡病頂禮佛足在一面住合掌向佛而作是言大沙門憍答摩常以大悲拯接群品利樂救護一切衆生大沙門憍答摩我今怖懼無能救濟惟願大悲救護我等令免斯苦爾時世尊語諸大藥又羅刹步多鬼神等言汝等當知從今已去奉持我法受持戒行不得違越汝等若

有不順我語者如殺父母殺阿羅漢破和合僧出佛身血亦復如是若諸藥又等違我法印不順我呪者爲大明王棄擲於地頭破七分身體骨肉悉皆碎壞若復藥又得種種病身生斑黑不能飛空常墮於地汝今當知若有此守護大千國土大明王經所在之處不得違越自恣其意當順佛語令汝安樂時彼諸藥又羅刹步多鬼神人及非人奉佛教勅各還本處毗耶離大城王及人民悉得免離一切災難彼毗耶離大城一切飛鳥鸚鵡舍利及俱枳羅鴛鴦孔雀有如是等衆鳥和鳴出妙音聲皆作是言如來大悲演斯妙法利益安樂一切衆生我等今者不爲藥又及羅刹娑步多鬼神之所殺害免是災難我今自命無所怖懼于時復有無數諸天女諸緊那

羅女各各執持自然珍寶衆妙樂器而供養
佛於虛空中復有種種天諸樂器簫笛箏篪
琴瑟鼓吹如是天樂不鼓自鳴而供養佛復
有諸樹所謂吉祥果樹阿摩羅果樹尼俱律
陀樹波羅利樹如是等種種諸樹皆悉自然

力三

三之二

出衆妙香復有百千天衆於虛空中恭敬禮
拜同聲讚言善哉善哉我等今者獲大勝利
散種種華燒種種香而供養佛人及非人亦
以華香而供養佛是時四大天王同時合掌
而白佛言世尊云何以此大明王經典佛之
密印守護一切國土城邑聚落令得遠離諸
不吉祥執魅之事佛告四大天王若諸比丘
清淨嚴潔依法受持讀誦書寫供養如是人
等所有一切怖畏一切怨家一切鬪戰枷鎖
禁繫更相殺害更相是非種種災難不善之

業永不復受若國土城邑聚落爲彼藥叉羅
刹步多鬼神所惱亂者或於王宮或僧伽藍
或居聚落或居莊園建曼拏羅結其地界清
淨嚴潔當淨沐浴身著白衣食三白食令諸
人民不食五辛受持禁戒於諸衆生起平等
心憐愍心燒種種香塗香抹香散諸雜華而
爲供養令諸童女清淨沐浴著新潔衣種種
嚴飾手執四鈴持四寶椀中滿盛供養飲
食取平旦時誦此大明王陀羅尼加持白線
滿六十兩即以神線掛在塔頂或安表刹或
掛大樹從月一日至十五日讀誦此守護大
千國土大明王陀羅尼經種種華香而爲供
養如是國土王宮乃至娑羅林中青牛欄中
及餘畜類所居之處掃除清淨嚴飾門戶周
徧皆以香水散灑復以種種燒香熏之掘地

力三

四之二

作爐安佉囉囉木燒爲護摩散諸雜華一切種子及白芥子擲散四方及擲火中以種種色自染其線繫門戶上令線下垂出入往還悉令安樂乃至畜生亦復如是又以此經書寫受持讀誦供養於高顯處而安置之使其國土一切人民皆獲安樂若有病者當以此經置其人前種種供養皆得安樂佛告四大天王若爲國土建曼拏羅當安佛像結跏趺坐以是密印安置其中及梵天玉天帝釋護世四王如是等像各以密印安置其中及安摩醯首羅大藥又將訶利帝母香華飲食種種供養卽作是言我等今者敬奉三寶惟願大梵天玉天帝釋護世四大天王及摩醯首羅大力大藥又將并一切大威德藥又等訶利帝母并其子及眷屬以如是等大威德大

力三

五

力諸天大誓願力故護持國界使我國土王及人民各并眷屬皆得解脫一切災難令得安樂一切病者諸病痛惱令其飲食悉變妙藥彼若餐服病得除愈發是願已卽於佛像前梵王帝釋一一像前以四淨器上妙飲食自手捧持承事供養讀誦如是守護大千國土大明王經及念此大明王陀羅尼以是經典威神力故令其飲食悉如妙藥令其諸藥以真實故成甘露味卽作是言訶利帝母大天身受我供養守護我等令得安樂如來大悲施我法藥甘露妙味令諸衆生病得除愈無飢渴想微鉢尸如來威神力除毒尸棄如來神通力除毒毗舍浮如來實語力除毒揭句村那如來禪定力除毒揭諾迦牟尼如來智慧力除毒迦葉波如來變化力除毒我釋

迦牟尼如來精進力除毒如是等諸佛如來
實語力能變一切諸毒令如甘露能除衆生
種種疾病令諸衆生獲得上味永離飢渴即
使病人面東而坐其持明者授與彼藥在於
掌中念此陀羅尼而加持之是時世尊即說
陀羅尼曰

曩莫三滿跢沒馱引南唵引佉尾佉

佉尾左麗引尾覽銘引尤麗引左羅縛帝

贊捺哩引二合尤羅扼引阿沒哩二合多顛哩

齒引二合灑娑嚩引二合賀引

佛告四大天王以此陀羅尼威神功德加持
力故寒熱風等一切疾疫悉皆除愈令我某
甲并諸眷屬一切衆生皆得安樂若復有人
以惡業故爲鬼所持作諸鬼病乃至一切惡
瘡膿血者當爲彼人建立道場置護摩爐種

力三

六

種嚴飾燒衆名香散諸雜華令其病人若男
若女清淨沐浴著新潔衣日夜不眠對持明
者爐兩邊立以佉禰木及以棗木以爲護摩
及諸種子散擲四方及擲火中復以種種雜
色神線繫於槍劒弓箭之上以此大明王陀
羅尼而加持之安於壇內亦以種種苗稼華
果之根擲彼火中亦以香水散灑火中想彼
惡鬼以神線縛以劒截線想爲惡鬼令線極
碎擲入火中當欲擲時而作是言我今以此
讀誦受持是守護大千國土大明王經佛之
密印威神之力諸佛威力菩薩摩訶薩力辟
支佛力阿羅漢力大梵天王及天帝釋護世
四大天王摩醯首羅大力藥叉將及餘一切
大力藥叉訶利帝母并其子及眷屬如是不
可思議威神之力以我釋迦牟尼無量精進

大誓願力截斷於彼宿世怨結鬼神之業令
汝解脫得安隱樂作是語已即以利劍碎截
其線擲於火中所有鬼病悉皆除愈譬如金
剛寶破惡堅貞如火燒薪如日乾木如風吹
雲如來實語能滅世間種種惡業使諸鬼病
速得除滅即以種種塗香油種種播蓋而
為供養是時世尊即說陀羅尼曰

曩莫三滿路沒馱引南唵引迦佉黎佉囉

黎祖仁祖切賀尾合二顛惹嚩麗引誡囉誡賀哩

拏設引嚩哩扇引底鉢囉合二扇引底娑縛合二

賀引馱引底娑縛引二賀引那誡引九

哩際引二合娑縛引二賀引頗楞誡帝引娑縛

引二合賀引薩縛迦引齧引哩那合二妻引那顛

娑縛引二合賀引薩縛迦引齧引哩那合二地多

引開引沙地滿怛囉合二尾灑喻誡薩縛禰引

嚩帶切禰引禰多引末哩禰合二多引唵仁多

引阿波囉引唵多引娑縛引二合賀引

復次四大天王若復有人為毒所中及以一

切痔漏癰疽諸惡重病我有陀羅尼能令諸

毒悉皆除滅種種惡瘡及諸重病皆得除愈

令其病人清淨沐浴著新潔衣嚴飾其身令

念誦者處於高座誦此陀羅尼而加持之令

得安樂以諸如來無量無邊大慈大悲力除

毒菩薩摩訶薩威德力除毒辟支佛神通力

除毒聲聞受持一切神呪精進力除毒舍利

弗智慧力除毒目乾連神通力除毒阿那律

天眼力除毒大迦葉頭陀行力除毒憍陳如

最初得道力除毒阿難多聞慈力除毒大梵

天王及天帝釋富樂自在力除毒四大天王

守護國界力除毒摩醯首羅大藥叉將威猛

力除毒訶利帝母并其子及眷屬精進威德
力除毒以如是等諸佛如來及諸聖眾不可
思議大威神力攝伏彼毒令如甘露諸毒害
心行不饒益者不敢違越皆起慈心護持國
界令得安樂是時世尊即說陀羅尼曰

曩莫三滿路引沒馱引南引唵引賀哩計引

尸額枳禮曠醯哩引阿哩引半拏哩引揭吒

計計引瑜哩引賀細賀細賀細佉覽細麼嚕

譏賀額引娑嚩引賀引娑目契引娑嚩引

賀引醯禮引娑嚩引賀引弭禮娑嚩引

賀引

佛告四大天王以是陀羅尼加持力故一切
諸毒悉皆除滅及諸毒種丁瘡漏瘡水腫疥
癩及有惡瘡硬如鐵石如是七種極毒惡瘡
受持此呪亦得除愈

貪欲瞋恚癡 是世間三毒 諸佛皆遠離

實語毒消除 貪欲瞋恚癡 是世間三毒

達摩皆遠離 實語毒消除 貪欲瞋恚癡

是世間三毒 僧伽皆遠離 實語毒消除

地為諸毒父 地為諸毒母 是以誠實言

令毒悉消滅 所有種種毒 咸令却歸地

我等并眷屬 日夜常安樂

是時世尊即說陀羅尼曰

曩莫三滿路沒馱引南引唵引布攞拏引

怛哩引尾灑皤爍訖囉引魔覩娑嚩引

賀引

佛告四大天王有陀羅尼能伏一切怨敵若
復有人於古塔像處聖人得道處諸天諸仙
住處念此陀羅尼及讀誦受持守護大千國
土大明王經典則能遠離一切怨家諍訟更

相殺害能却他敵種種災禍危難之事

諸佛威神力 降伏諸魔怨 正法威神力

破滅於非法 僧伽威神力 降伏諸外道

亦如天帝釋 破壞阿脩羅 如彼阿脩羅

能障於滿月 亦如果日輪 能竭於海水

如火燒衆木 如水滅諸火 如風除雲障

譬如金剛寶 能破惡堅貞 諸天住誠實

地居亦如是 佛法并僧伽 以是真實住

即說陀羅尼曰

曩莫三滿跢沒馱引南唵引阿沒哩合二帝

引阿佉囉合二補瑟閉麼虎頗禮引顛囉引

囉拏薩嚩囉合二安馱顛阿跋囉引唎帝

引馱囉馱囉拏玉四也合二哩帝合二憍多銘虞

虞麼麼咎婆顛娑嚩引賀引惹曳引娑嚩

引合二賀引惹曳尾惹曳娑嚩引賀引

佛告四大天王此陀羅尼能降伏一切魔怨
能除一切業障是時世尊說伽他曰

毗盧遮那大日主 阿閼如來及寶生

無量壽佛勝成就 皆號金剛持明王

觀自在等八菩薩 恒爲衆生作依護

彼恭敬者離執魅 解脫水火及刀杖

若有忽遭王難苦 是人臨欲損其形

憶念觀音自在名 彼刀杖尋段段壞

若逢怨賊執刀杖 刀杖段壞墮於地

是人究竟無所傷 一切宿業皆消滅

是時世尊說此伽他力三已諸天天衆十即於佛前

說伽他曰

我等一心歸命禮 三世一切諸如來

歸命牟尼真實言 歸命不退菩薩衆

恒以智慧方便力 安住衆生實際中

我等一切諸有情 所作事業悉成就

是時大梵天王及諸梵王起立合掌讚言世尊善說如是守護大千國土大明王陀羅尼甚深經典佛之密印佛爲法王與諸衆生施無畏者爲欲利益一切世間童男童女得安樂故令諸世間童男童女不爲羅刹而損壞故使我世間人種不斷故此南閻浮提一切衆生最初聞佛說是法要最爲殊勝此閻浮提一切諸佛諸大菩薩聲聞緣覺五通神仙護世四天王一切諸天恒常集會世尊有諸羅刹常食人胎彼諸羅刹無人能知無能制伏一切衆生無有子息及不受胎此諸羅刹常求其便候彼男女和合之時吸其精氣使不受胎斷滅人種及羯邏藍次案部談令彼女人其胎傷損我今說此諸羅刹衆各各名

十一

字惟願世尊聽我所說一名曼祖二名鹿王三名塞健合二那四名阿鉢娑麼合二囉五名母瑟致合二迦六名麼怛哩合二迦七名惹弭迦八名迦弭顚九名黎縛帝十名布單那十一名麼怛哩合二難那十二名爍俱顚十三名建姪播底顚十四名目佉滿拏十五名阿監麼如是等諸羅刹晝夜巡行於一切處現可畏形作諸執魅持彼童男童女種種疾病使其男女現種種相若曼祖計及鹿王魅者令惡吐逆塞健合二那魅者小兒搖頭阿鉢娑麼合二囉魅者口吐涎沫母瑟致合二迦魅者手指拳縮麼底哩合二迦魅者長喘而咲惹弭迦魅者不飲其乳迦弭顚魅者睡即驚怖寤即啼哭黎縛底魅者常咬其舌布單那魅者噎氣咳嗽麼底哩合二難那魅者作種種色爍俱顚魅者

齋諸臭穢建蛇播捉魅者咽喉閉塞目佉滿
捉魅者口頻蹙縮阿監麼魅者小兒餓喊如
是等諸大羅刹復現種種可畏之狀令諸童
男童女恒常驚怖曼祖計現形如牛鹿王其
形如鹿塞健合二那狀如童子阿鉢娑麼合二羅
形如豺狗母瑟致合二迦其形如烏麼底哩合二
迦其形如殺羊惹弭迦現形如馬迦弭顛者
其狀如驢黎縛底者現形如狗布單那者形
如鸚鵡麼底哩合二難那形如貓兒爍俱顛者
形如飛鳥建蛇播捉其形如鷄目佉滿捉形
如獾狐阿監麼者其形如雉如是等諸大羅
刹起毒害心常於人間現如是相驚怖小兒
盜而食之破壞其胎令胎傷損此羅刹衆若
有聞此守護大千國土大明王經佛之密印
而不隨順違越之者我有彥達縛大藥叉將

名梅檀香彼梅檀香即遣使者速疾往彼如
彈指頃即以絹索五處繫縛將來至此以是
大明王而謫罰之是時大梵天王合掌恭敬
而作是言世尊彼等是步多眷屬常於世間
破壞人種我今佛前設大誓願若有女人求
於子息受持戒法歸依三寶清淨沐浴著新
潔衣於月八日或十四日於塔像前以香塗
地建曼拏羅於中夜分入於道場香華燈塗
種種供養其所供養悉使充滿無令乏少呪
五色線一呪一結如是加持滿一百結及白
芥子令彼女人受持頂戴即得子息若有人
能建此道場十二年中我自守護令諸世間
童男童女離諸災難不祥之事若諸羅刹違
越此經我自謫罰諸羅刹衆頭破七分其身
碎壞猶如微塵即說呪曰

曩謨引沒馱野曩謨引達麼野曩謨引僧伽

野怛你也合他唵引阿擬引曩擬婆縛顙引

伊難彌尾難彌戌囉顙擬哩誡縛哩誡縛哩

誡囉拏誡囉拏誡哩引路引左顙引毋囉醯

引阿虎哩引鉢囉合揭哩沙合拏娑縛引合

賀引十三

是時大梵天王說是呪已作如是言由此神

呪威神力故令其胎藏速得成就處胎安樂

增長諸根悉令圓滿產生安樂其子生已燒

安息香及白芥子以此神呪呪雜色線繫兒

身上令彼男女壽命長遠是時世尊正徧知

者爲欲擁護一切世間童男童女處胎安樂

離諸患難即說陀羅尼曰

曩莫三滿跢沒馱南引唵引冒引地冒引馱

引努麼帝引頗囉禮縛虎頗賴引識乞又合二

引識乞又合娑引囉縛帝引娑引誡禮引努

囉娑彌引娑引囉鉢囉引合鉢帝合素囉麼

帝引娑擬娑誡引娑擬引娑擬顙引顙縛引

囉拏引娑縛引合賀引

世尊說此陀羅尼已彼等諸魅一十五種大

羅刹衆合掌向佛而作是言我等羅刹常啖

血肉惱觸於人我今聞佛說此陀羅尼若諸

世間一切舍宅及以村落有是經典所在之

處我當守護不敢違越若諸男女處胎安樂

使無災難奉佛教勅如佛無異時彼羅刹即

說呪曰

曩謨引娑誡縛帝沒馱引野曩謨引沒囉合二

憾麼合二拏引悉鈿觀滿怛囉合二野那引娑多

引二合囉曳凍尾你演引二合鐙沒囉合二憾麼合二

引曩麼爲觀娑縛引二合賀引

是時毗沙門天王即從座起偏袒右肩頂禮
佛足合掌恭敬而白佛言世尊若有一切聲
聞弟子能於此經典受持讀誦以諸多聞智
慧方便爲人解說亦以此經起塔供養而爲
利益一切衆生於月八日及十四日十五日
應當依法建曼拏羅作大供養受持讀誦如
是經典我等四王常於此日令彼藥叉羅刹
步多鬼神立於我前點其名字無令惱亂受
持如是守護大千國土大明王陀羅尼經者
世尊彼諸聲聞若常受持如是經典乃至爲
人解說此聲聞衆我等兄弟四大天王現其
人前常爲給使衣服卧具飲食湯藥一切所
須無令乏少如是人等爲諸衆生恭敬供養
尊重讚歎亦爲一切國王王子沙門婆羅門
在家出家及諸外道恭敬供養尊重讚歎諸

善男子善女人及諸親友發歡喜心恭敬供
養隨所樂欲衣服卧具種種勝妙莊嚴之具
悉得充足彼諸聲聞常與一切善友同和不
隨惡友不生邊地不住邊地不去邊地亦復
不作邊地之業世尊若復有人爲彼藥叉羅
刹步多鬼神所魅之者當於彼前讀誦如是
守護大千國土大明王經及謂彼人分別解
說我時四大天王廣大兄弟自隱其身守護
彼人使得安樂悉令解脫一切執魅不吉祥
事世尊若復有人於已舍宅一日一夜讀誦
如是守護大千國土大明王經是人舍宅一
歲之中無諸衰患不吉祥事世尊若復有人
常能受持此守護大千國土大明王經者我
等四王常現其前恭敬供養云何爲彼藥叉
羅刹步多鬼神而得其便世尊如是真言句

義甚深廣博無有窮盡亦難值遇於此大明
王平等法印受持之者如是人等於諸世間
甚爲難得最上最勝最爲第一

是時千眼帝釋天主頂禮合掌白佛言世尊
善說如是守護大千國土大明王甚深經典
我爲安樂一切世間諸衆生故今於佛前說
此真言明藥等分和合所謂

尸利沙華一麼耶麼引哩誡二合怛誡覽江羅

三揭諾迦四優曇鉢羅五勢引隸野六弭那

輪七吟瑟姹合二素迦利八末哩迦合二蘇九惹

野波哩閉攤網十囉僧尾囉一引三麼哩迦

合二哆二誡囉瞢娑三引贊那曩四嚩哩多合二

劍五俱瑟姹合二曩欠六跋怛覽七合揭八鳩江

切十娑囉引鉢哩合二焰九虞嚕引左曩十颯

鉢力合三迦十一娑哩沙合二播十一滿曩婁攤

引二怛嚩合二咎嚩咎四二十供俱莽五二十醯四
切誡六十

如是諸藥及其諸色調和一處念陀羅尼而
加持之若以此藥著燈燭中燈所照處一切
藥又羅刹步多鬼神皆悉遠離若以此藥點
其眼中眼所見處諸步多衆皆悉馳走捨離
其處若復有人爲彼一切藥又羅刹步多鬼
神之所魅者亦以此藥塗彼身上諸步多衆
不敢違越放彼精神即得痊愈若以此藥塗
於樹上及佛塔上彼步多衆見虛空中雨大
火燄猶如金剛心生怕怖捨離本處或於樂
器簫笛笙篴及以角貝鈴鐸鍾鼓世間所有
出聲之物若以此藥塗之於上聲所震處藥
又羅刹步多鬼神皆悉怕怖馳散而走若塗
飛鳥羽翼之上國土城邑所到之處藥又羅

刹步多鬼神皆悉怕怖馳散而走乃至窮極
無有方所是諸飛鳥捨其身已更不復受傍
生之身若置山岳江河陂池一切方所隨處
置藥一切藥又羅刹步多鬼神皆悉遠離百
由旬內無諸災難人民安樂若復有人入於
戰陣塗於身上無所傷損常得其勝必獲安
樂若復有人蛇蝎蜚蠊即令彼人速疾服食
其毒消散若復有人痔漏癰疽種種惡瘡塗
之得愈若復有人常塗其身是人遠離一切
災難增益國界王及人民若見有人諍訟之
處以藥威力兩得和解非成就事亦得成就
令貧賈者悉得富饒無子息者悉得如意無
辯慧者亦得辯慧若復有人恒常誦持此陀
羅尼現身成就飛仙之位此陀羅尼亦名果
樹成就人天種種功德智慧之果能令衆生

力三

十七

離諸災難得安隱樂吉祥之果此陀羅尼甚
深句義於諸世間無與等者千眼帝釋即於
佛前說陀羅尼曰

曩謨引沒馱引野曩謨引達麼野曩謨引僧

伽野怛你也合二他唵引阿引骨嚕合二彌引尾

骨嚕合二彌引步多嚩引曬引步燈誡弭引禰

引四引你縛馱哩馱哩那地你曩弭引驅佉

佉佉引見誡弭贊捺哩引二合梭波麗引迦

禮你迦禮賀引哩拏娑縛引二合薩縛播引閉

引毗喻引二合麼麼阿醯謗引颰波哩縛引囉

寫薩縛薩怛縛引二合難引左薩縛禰擬毗藥

合三娑縛引二合賀引你賀多引你薩縛播波你

娑縛引二合賀引

時千眼帝釋說此陀羅尼已彼大梵天王天
帝釋護世四王摩醯首羅大藥叉將訶利帝

母并其子及眷屬俱即於佛前起立合掌異
口同音而說偈言

佛面猶如淨滿月 亦如千日放光明
諸天及人阿脩羅 如是世間無與等
不可思議最勝智 藥叉羅刹悉調伏
名爲解脫持明王 守護大千諸國土
無量無邊功德海 流出清淨總持門
利樂一切諸衆生 令得最上勝悉地
稽首丈夫無所畏 稽首調御天人師
不可思議大法王 是故我今歸命禮

是時世尊於正午時從彼而起告諸比丘言
汝等比丘諦聽諦聽此守護大千國土大明
王陀羅尼經若復有人受持讀誦爲人解說
如是人等捨此身已得生諸天受勝妙樂共
在人間長夜安隱所生之處爲諸衆生之所

力三

十六

愛敬若有比丘以此守護大千國土大明王
陀羅尼經加持枯樹以是經典威神力故彼
諸枯樹火不能燒復得生長枝葉華果如是
等比以是經典威神力故尚獲種種勝妙果
報若諸衆生過去所作身語意等諸惡業因
以是經典威神之力云何不滅佛告諸比丘
我此經典總有五種眷屬部類如是次第所
謂守護大千國土大明王陀羅尼經佛母大
孔雀明王經尸多林經大隨求陀羅尼經大
威德神呪經如是等皆爲一切如來降伏諸
魔調難調者息諸衆生種種災變護持佛法
及諸國界速疾法門如來往昔以如是等諸
陀羅尼門甚深經典恒常乞食遠離五辛修
瑜伽行降伏魔軍成等正覺於是毗沙門天
王作是言世尊未來世中諸比丘衆不食五

幸恒常乞食於此經典有受持者不佛言云
何毗沙門言如是之人甚爲難得佛言未來
世中諸出家者不食五辛恒常乞食依法受
持此守護大千國土大明王陀羅尼經者其
數無量毗沙門天王言世尊若未來世有諸
比丘不食五辛恒常乞食依法受持此守護
大千國土大明王陀羅尼經者我等四王常
當擁護承事供養是時世尊告諸比丘作如
是言汝等及未來世諸比丘衆不食五辛不
貪美味恒常乞食於此經典受持讀誦爲人
解說如是人等於一切處常得其勝是人速
疾得大總持自護其身及護他人若諸比丘
不食五辛恒常乞食應當一心如是觀察應
觀無常苦空無我以無常故云何五辛以無
我故誰爲受者若諸比丘爲欲守護國土城

邑及爲利益諸衆生者於月八日或十四日
或白月十五日建曼拏羅於豪貴家取一童
女其心清淨信樂大乘人相具足智慧明了
者清淨沐浴著新潔衣種種嚴飾受持五戒
一日一夜清齋不食以七色絲作四合線以
此陀羅尼而加持之即結其線成一百結復
以利刀碎截其線擲入寶椀椀中致水以華
覆之塗香燒香種種供養讀誦是經及念此
陀羅尼而加持之擲線椀中當結線時以梵
音聲作如是言我依釋迦牟尼佛受持如是
守護大千國土大明王陀羅尼經令一切世
間種種諸毒入山石間微鉢尸佛尸棄佛毗
舍浮佛拘留孫佛拘那含牟尼佛迦葉佛我
釋迦牟尼以如是等諸佛如來正徧知者威
神力故能除毒令毒入地令此國土王及人

民離諸怖畏獲得安樂索訶世界主大梵天
王及天帝釋護世四王摩拏跋捺囉二大藥
叉將摩醯首羅黑贊拏利大羅刹女願以如
是等大威德大力諸天受此香華飲食周徧
供養使一切毒悉皆消滅令此國土王及人
力三
民離諸怖畏獲得安樂於時世尊即說陀羅
二十
尼曰

曩莫三滿跢沒駄引南引唵引佉佉銘引尸
 銘引尸尾引尸虎顚引尸摩尸銘引娑縛合二
 悉底合二娑縛合二悉底合二扇引底扇引底娑囉
 引乞哩合二半九引弭沙僧悉瑟吒合二野他引
 賀引嚧顚囉引弭衫曳曩那誡罔合二野他引
 素怛嚧合二薩底𩑦合二俱哩晚合二覩多引禰哩
合二商怛你也合二他迦黎引迦攞黎引舍路銘
 引阿擬你合二僧訖囉合二麼拏娑縛合二賀

曩謨微鉢尸佛尸棄佛毗舍浮佛拘留孫佛
拘那含牟尼佛迦葉佛我釋迦牟尼佛憍答
摩七佛正徧知者我悉歸命彼諸如來香華
飲食運心供養以如是等諸佛如來廣大威
德神通之力滿我所願令得安樂佛說此經
已諸比丘衆大梵天王及天帝釋護世四王
諸天人民聞佛所說皆大歡喜禮佛而退

佛說守護大千國土經卷下

力三

二十一

音釋

行毒也	菴蕪並蟲	狐訓狐鵠切	獾許云切	鴛俱謁切	也此云凝滑	殞于敏切
弭綿婢切	抄子葛切	齒卓皆切	來卓皆切	噓氣重也	稍所角切	稍牙屬切
鯨愛墨乙得也	鯨施雙切	蜚隄列切	蜚隄列切	咳嗽蘇秦切	慄郎質切	慄郎質切
					羯邏籃梵語	羯邏籃梵語